

宋

會

要

宋會要

卷一百一十五

太祖建隆三年正月九日詔西京修古道險隘處來自洛之鞏西抵陝之湖城悉命治之以為坦路五月十八日潞州言先奉詔集丁夫開太行路俾通餽運今已功畢四年四月二十三日詔重疏鑿三門 真宗大中祥符二年二月十二日詔曰昨議徙京西驛路出永安縣且永安陵蓋也如聞徙之則秦蜀行旅戎夷入貢悉由於此神道貴靜非所宜也其亟罷之三年正月九日詔利州路轉運司自命令官使臣欲修易棧閣者具述經久利害待報無得擅行先是川陝多建議修路以邀恩獎或經水潦即墜石隔礙舊路又隨而廢至是利州以

新改閘道其原規畫使臣軍校乞加酬獎帝知其弊故
條約之四年三月詔自武牢關至滎陽鞏縣道路兩邊
有巖險墊裂處恐經雨摧塌委逐處相度剝削修治之
五年七月十七日詔劔州利州修棧閣路十一月河北
安撫司請沿邊官路左右及時栽種榆柳從之十二月
詔近聞開封府以京城居民侵占街道蓋到棚廈並令
毀拆方屬嚴凝可令至春月施行七年八月荆湖北路
轉運使高伸乞開辰鼎州路畫圖進呈帝謂王旦等曰
恐勞擾軍民可且令依舊九年六月二十七日太常博士
范應言諸路多關係官材木望令馬通鋪卒夾官道
植榆柳或隨土地所宜種雜木五七年可致茂盛供用

之外爰暑之月亦足蔭及路人從之大禧元年四月詔
州陝轉運完葺橋閣無致因循三年八月遣使西京至
陝府修葺道路以霖雨壞道故也 仁宗天聖二年五
月二十八日蘇州言修土石塘路畢降詔褒諭賜賚有
差慶曆二年三月十二日詔河北比歲積雨壞道連塗
其塹官路兩旁闊五尺深七尺民田各於封界闊三尺
深五尺以泄水潦限半年功畢三年七月二十七日祕
書丞知興元府褒城縣竇克言竊見入川大路自鳳州
至利州劔門關直入益州路遙遠橋閣約九萬餘間每
年俸鋪分兵士於近山採木修葺通行近年添修所使
木植萬數浩瀚深入山林三二十里外採斫辛苦欲乞

於入川路沿官道兩旁令逐鋪兵士每年栽種地上所
宜林木準備向去修葺橋閣仍委管轄使臣逐縣令佐
提舉栽種年終栽到數目批上歷子理為勞績免致緩
急阻妨人馬綱運詔令陝西及孟州路轉運司相度施
行五年九月二十七日北作坊使武繼隆言竊見河北
西山有土門路自真定府與河東往來相接景德年已
前勾抽河東軍馬策應河北出入大路今歲河北雨水
稍多衝注成澗道乞令逐處官吏常切修葺不啻阻滯
過往容旅車馬仰本地分縣尉司不住巡覲點檢仍令
每年秋初舉行萬一緩急勾抽軍馬過往且免阻滯詔
令河東鄆轉運司相度只作本司意度牒平定軍點檢

嘉祐二年十二月二十九日置街道司指揮兵士以五百人為額 神宗熙寧十年二月二十四日利州路提刑司言准朝旨送下李杞奏成都府至鳳州大驛路自金牛入青陽驛至興州雖興元府界亦有廢斜路久來使命客旅任便往來昨利州路提刑范百祿學畫改移興元府路作大驛路及撥併馬通橋閣鋪兵級在彼今興州一路直通秦州以至鳳州河池縣界首甚有橋閣約二萬餘間兵士數少難以修葺况今收買川茶正由此路乞除秦鳳利州路條元相度外別路選差官再行相度新舊路經久利便令逐路提刑司相度利害具合措置事狀伏覩廢斜新路自金牛驛至褒城縣驛計三

程悉係平川別無橋閣自褒城驛至鳳州武休驛其間
只難翁嶺一處難係山路目下修葺寬闊通過無阻創
置驛鋪費用不少勘會未移路前遞年科撥興元府洋
州人戶苗稅往興州舊路沿路送納累路程驛差官受
納監驛支遣地里遙遠住滯人戶今新路口有曲灘驛
一處差官監程外褒城等縣倚郭程驛興元府洋州人
戶只就縣倉送納別無阻滯縣司官員兼管勾支遣亦
不妨職事其褒斜新路于沿路錢界經久委是穩便
所有銅錢界武休驛至鳳州計三程係秦鳳等路本司
不見彼處利害又成都府路提刑司言舊路自鳳州入
兩當至金牛驛十程計四百九里間道平坦驛舍馬鋪

完備道店稠密行旅易得飲食不為難艱苦新路自鳳
州由白澗至金牛驛計三百八十五里雖減兩驛比舊
路只少二十四里隨山崎嶇登陟甚難復少居民又無
食物人情以此厭勞如發川網往秦州只從舊路行至
故驛便可直入成州如由新路須過鳳州五程至鳳翔
府方有路去秦州緩急應到遠須亦恐非便今茶綱見
行舊路商客皆由此出惟請券驛馬各不獲已二者較
之利害甚明若謂新路興功不少驛鋪已成未欲遽更
深慮久遠人言不便必須改復則舊路閣道已隳異時
修完煩費入秦鳳等路提刑司言成都府至鳳州大驛
路自金牛驛程入青陽驛至興州雖與元府界亦有褒

斜路任便往來去年改移興元府路作大驛路及併馬
運橋鋪兵級在彼今興州一路直通秦州以至鳳池州
河池縣界首橋閣約二萬餘間兵士數少難以修葺况
見今官中收買川茶正由此路經過本司相度得舊路
道里遠近若不相較驛程只減一程如從初不開新路
即省得工費今既施工修蓋馬鋪驛舍用錢不少如却
行舊路即虛棄工費兼新路已修完備實寬得興元洋
川百姓速輸舊路四處溪江或遭泛漲即阻節過往及
飛石中行人常有死者新路並無此患兼合添置一驛
并運鋪如允從即別具合添置去處申奏次詔送樞密
院施行八月十一日入內侍省都知張茂則言今相

度到虜使驛路出澶州西趨黎陽由白馬縣北側近可
以繫橋通行從之元豐元年十一月二十一日衛尉寺
丞知三泉縣莊黃裳言本縣當孟梓利歲四路之衝昨
議者請廢北路復褒斜故道以減程驛寬漢中輸餉之
勞今日較之為害甚於前日詔委劉忱李稷同比較既
而忱等言褒斜新路視興州舊路路名減兩程其鋪兵
遞馬皆增於舊又卒亡馬死相尋官吏館券怨請亦倍
舊路雖號十程比新路纔遠八里且多平慢新路雖減
科發洋州稅米四千餘石乃移撥興元府鳳州稅米二
萬餘碩今若行河池舊路遣復馬遞鋪官舍亭驛畧加
修整即自如故庶可減河池兩當二里三驛詔三驛不

減餘並從之初三泉縣之金牛鎮有東北兩路北通陝
西秦鳳巡河京西諸州以至京師東通梁洋州熙寧七
年利州路提點刑獄范百祿建言廢北路復褒斜路至
是黃裳疏其利害下忱等比較從黃裳所請也五年二
月二十三日熙河路都大經制司言相度通遠軍去定
西城路為使乞自女遮谷以西隸通遠軍龔谷寨以北
隸蘭州從之九月二十五日滑州言刀馬河水泛溢韋
城以南至長垣人馬不通詔開封府界并滑州信使所
行道專委通判滑州蘇注主管徽宗大觀四年三月
十九日儒林郎前鎮寧軍節度推官慕容亮奏臣伏觀
在京每年開淘渠壑之際蓋是近街築坑以備盛泥若

被風吹土在坑面上共地一色之無遮欄及覩天下當
過街路與旅店中有井無欄木其上伴坑井若是陰黑
無眼人或有酒人遺身在內必害性命臣今欲乞天下
當過街路有井無欄木令地主修置在京泥坑無物
遮欄處令逐處地主每一坑用小柱四條各高四尺安
在坑邊四角以一寸圍徑麻繩圍三五道可遮欄得免
傷民衆性命仍令逐處合干人常切照管如井欄損動
即令修補常要牢固詔依所奏慮民間出辦頗似科率
並官中修置在京令尚書工部將作都水監疾速施行
政和三年八月九日歸州奏本州西門蜀江吃雜俗號
人鮚壑大石四五截江道夏秋舟行者多罹其害欲候

水落開鑿灘石以避其險乞給度牒二十道充費從之
六年四月二十二日工部奏知福州黃裳狀契勘本路
八州軍建汀南劍州邵武軍驛路從來未曾種植并福
州尚有方山北鋪亦未栽種遂致夏秋之間往來行旅
胃熱而行多成疾疫遂專牒委自逐處知州軍指揮所
屬知縣令巫勸諭鄉保遍於驛路及通州縣官路兩畔
栽種杉松冬青楊柳等木續據申通於官驛道路兩畔
共栽植到杉松等木共三十三萬八千六百株漸次長
茂已置籍拘管緣輒採伐官驛道路株木即未有明文
伏望添補立法本部檢承政和令諸條官山林所屬州
縣籍具長闊四至不得令人承佃官司興造須採伐者

報所屬政和勅諸條官山林輒採伐者杖八十許人告
政和格告獲輒伐係官山林者錢二十貫本部看詳乞
依前項條法諸路作此從之宣和元年八月十六日權
發遣京畿提點刑獄公事許偲奏州府縣驛舍以待賓
客吏習弗虔不以時察或梁桶撓折或牆壁圯壞欲望
特降睿旨俾諸路各行修整嚴責州縣常切覺察 高
宗建炎四年六月二十九日詔車駕不測巡幸令浙西
建康府江東路安撫使司疾速豫行計備經過去處錢
糧舟船頓遞即不得開修道路過為供帳卻致搔擾十
月四日提舉兩浙市舶劉無極言知宣州李光狀為臨
安府於潛知縣陸行可將千秋嶺路掘斷事無極相度

千秋嶺通徹太平宣州廣德軍建康府正係衝要控扼
去處東西兩山上闊一千餘丈萬一賊馬奔衝直趨木
府至越州或取嚴州直趨温台明越州若不掘斷臨時
措置不久又恐傳送機密文字網運往來不便欲開掘
中間量留三五尺以通傳送文字網運商旅稍有警急
併工掘斷從之紹興三年十二月九日知臨安府梁汝
嘉言被旨委開火巷今之用舊陌巷開城如丈尺不及
即拆及三丈之處數如屋宇稍密巷陌遙遠別畫圖申取
指揮又言巷闊者不過一丈狹者止五尺以下若一柴
展作三丈恐拆去數多欲將已燒去處只展作一丈五
尺不經火處展作一丈詔並依已降空留三丈指揮更

不施行既而殿中侍御史常同言近者有司以遺火延燒之頻乞於執政侍從之居倉庫四面各毀民居開留隙地計所毀無慮數百千家連日急迫與延燒無異民咨胥怨有害仁政乞除倉場庫務四面量留空地外其執政侍從傍近居民特免毀折詔執政府第元降空留丈尺指揮減二丈只空留三丈侍從官宅不經燒毀去去並免毀拆餘依已降指揮 孝宗淳熙三年二月二十七日四川茶馬司言興縣順政長舉兩縣棧閣舊置武臣一員充巡轄人兵三百專一巡視葺令乞令諸司共措置務令經久仍招填人兵依時修治棧道從之十二月十一日詔臨安府都亭驛至嘉會門裏一帶居民

舊來侵佔官路接造浮屋近緣郊祀大禮拆去旋復搭蓋如應日前界至且聽依舊其今次侵展及官路大段窄狹去處日下拆截其餘似此侵佔去處令本府相度開具以聞七年六月二十三日臨安府言奉詔本府居民添蓋接簷突出并蘆簾木答侵占街道及起造屋宇侵占河岸如有不伏去拆違戾之人令追捉於地所斷造如項號令候犯人替本府除已盡行去拆如有居民并百司公吏不伏去拆違戾之人收錄解府送獄根究斷罪內有官戶追幹人解府斷罪並道令候犯人替從之 光宗紹熙二年四月十六日詔臨安府傳法寺并燒毀居民去處其寺面南街道為俯近重華宮宮牆比

舊辰退北一人經燒居民不許搭蓋繼而知臨安府潘景珪言宮牆外諸處官府毗近居民除見有樓屋先行毀拆外日後不得添造從之 寧宗嘉定十六年十一月一日臣僚言臣昨者伏見諫臣有疏謂八盤嶺迫近帝闕非車馬憧憧往來之地乞行下禁止誠為至當之論然臣嘗見尚有可言者自都亭驛至麗正門係文武百僚趨朝前殿之路皆是泥塗窮冬雨雪冰凍春雨梅霖淖溽委是難行欲望聖慈申救攸司自候潮門內之南至麗正門並用石版鋪砌可通車馬之路所費無幾或曰大禮年分恐礙行轅曾不知逐郊例是一路石版臨期悉行除拆禮畢日仍舊鋪砌初非難事亦可以壯

帝王之居從之十七年二月六日臣僚言嘗讀月令一
書孟春之月致謹於修封疆相阪險及觀成周大司徒
布教於始和之月而令野修道其職尤拳拳焉蓋道路
封疆之修阪險原隰之相誠治地之先務而順時布政
者之所當汲汲也仰惟國家中國謂駐蹕東南具百年矣
處淝水之右據吳會之雄自臨安至於京口千里而遠
舟車之輕從郵遞之絡繹漕運之轉輸軍期之傳送未
有不由此塗者去歲雨潦霖霖水勢衝突隄岸以之而
毀謂此道路因之而嵌陷橋梁由之而傾摧州縣之間務
從可且視主管運河隄岸之職恬不輕意其能推如溺
之念軫若涉之思因民之病而拯之者曾未之見也由

是車騎之往來舟楫之牽挽顛踣墮類多苦之所賴
邊陲少寧無羽檄交馳之虞芻粟蜚輓之迫脫或緩急
告警事關軍國星夜疾驅瞬息少差利害隨至固不可
不過為之慮邊塘畝畝或值旱澇隄防儲蓄有藉於塘
築之固以施車戽之力者其所係尤不輕也今春事方
興土膏潛動修築之政所當舉行苟視為細故不整正
而素備則舍舟而徒者何以遂其出於塗之願異時凱
旋寧無如還溥而止之患况其他如總牧吏戍驛商行
飛淪其利害又不止是耶欲望睿慈順月令布政之方
體成周設官之意行下兩浙轉運使浙西提舉司疾速
令沿塘一帶所隸州縣其有道路隄岸橋梁堆毀去處

仰日下量給工費委州縣官及本鄉保正等公共相視
措置修治毋騷擾從之

全唐文

卷八

都亭驛

宋會要

淳熙二年四月二詔都亭驛置專知官一名今以副尉赴都堂差注從大理正晏設請也 閏九月二十三日

詔都亭驛差儀鸞司手分一名同臨安府差到衣被局衙職置歷交付工匠仍於在役巡防擺鋪軍兵內差七人宿直 以國信所言都亭驛祇應人舊差儀鸞司手分一名後係臨安府排辦幕帟事畢拘收緣此無人管轄官物抄轉文曆去失幕帟故也 六年正月二十七

日提點都亭驛鄧椿年言應辦使人已及十次 紹興

二十七年正月指揮合依臨安府應辦官例特轉一官

歷

詔依今後準此 十四年五月四日詔都亭驛減貼司
一人兵士八人 先是都亭驛專知官副知各一人手
分一名貼司一人庫級一人庫子二人院子七人兵級
四十人於是司農少卿吳煥請減冗食下勅令所司裁
定而有是命

來志驛

在志字化坊以待遠人神宮此字三年五月十九
日新修志志驛以舊傷馬軍却侯公厩增草草為待
著成於五月十八日初却真西驛監及令重官
勾來志驛

宋會要 懷遠驛

景德三年置掌西蕃交州西蕃大石龜茲于闐甘州宗歌等首奉以三班
內侍二人監真宗景德四年七月起懷遠驛 神宗熙寧七年十一月十
二日客省言懷遠驛有提舉汴河堤岸霍翔在驛寓止續有溪峒蠻人向
仕旋等至翔即離驛竊謂朝廷館待四夷不止於懷遠一驛他處率無許
容臣僚休舍之例欲乞應本省所轄諸驛並不令臣僚安下從之先是嘉
祐中有余良肱安泊後以為例至是罷之

全唐文

宋會要

雜錄

太祖開寶四年十月十二日知邕州范旻言本州至嚴州約三百五十里是平穩徑直道路已令起置鋪驛其嚴州至桂州請修置鋪驛詔令嚴州桂州據管界道路接續修待各置鋪驛七年六月以知制誥李穆監懷信驛事太宗太平興國二年八月四詔改懷信驛為都亭驛先是周世宗初平淮向江南國主李景禍藩置是驛以館其來使至是以江左平定故改也七年七月京東西路轉運副使石熙古言所差制使多分占館驛以為制院枉費修葺有方使命安下欲望今後止令以

空閑厩宇充制院從之 雍熙四年六月遣右拾遺王仲華點檢澶州界館驛殿中丞蔣居中滑州界館驛備北巡也 八月十五日詔應除授廣南西川漳泉福建州縣官訪聞久拘選調多是貧虛涉此長途將何以濟自今並令給券宿於郵置 真宗咸平六年六月二十三日詔京東西河北河東陝西淮南諸縣令兼知館驛使勿得差往他所 景德二年九月四日詔興州青泥舊路依舊置館驛并驛馬遞鋪等其新開白水路亦任商旅往來先是屢有言新路便近亦有言青泥路雖遠一驛然經久難於改移者故下詔俱存之 三年十二月置懷遠驛於汴河北先是契丹使館於都亭驛其諸蕃

客使止於公府安泊至是以為非便遂規度侍衛都虞
候舊公廨創是驛為 大中祥符六年又以驛為皇姪
惟正等南宅 大中祥符元年五月九日改鄆州臨御

驛曰迎鑿砂溝驛曰翔鑿六月十四日改兗州葛石驛

曰回鑿知溝驛曰太平 三年正月十九日內侍副都

知閫承翰使夏州還上言趙德明於綏夏州界各建館

舍以待王人望於洛浦峽置驛帝以其地荒曠勞於役

守不許 九年四月七日以京城西舊染院為夏州蕃

驛 仁宗天聖六年九月御史中丞晏殊言諸處州縣

例差鄉戶百姓充驛子甚有勞擾臣前知南京日就差

剩負兵士逐季替換甚以便民望行下諸州軍並依此

例詔開封府界依所奏施行 景祐三年十一月十日

臣僚上言諸州館驛供給無限主守患之請給市估之

制詔可仍命勝於驛廳事 慶曆七年三月二十六日

詔西人朝貢汭路館驛須先過一二日掃潔權止過往

官員安下不得前期張皇事勢 嘉祐三年四月十一

日詔居州縣驛舍亭館者毋得過一月有遠所在官吏

以違制論仍令轉運提點刑獄司每年以舉行 四年

正月十三日三司使張方平上所編驛券別例賜名曰

嘉祐驛令初内外文武官下至吏卒所給驛券皆未有

定例又或多少不同遂降樞密院舊例下三司掌券司

會倅名數而纂次之并取宣勅令文專為驛券立文者

附益刑改為七十四條總上中下三卷以頒行天下

神宗熙寧三年五月十九日以宗仁坊舊馬軍都虞侯公廨增

葺為來遠驛待蕃客之所 元豐二年六月三日賜兩

浙路度僧牒百五十修高麗使亭驛 四年六月十八

日提點開封府界諸縣鎮公事葉溫叟及祥符長垣韋

城知縣縣丞主簿尉監驛使臣十四人罰銅有差入內

殿頭吳從禮張稔史革各展磨勘三年祥符縣主簿王

容韋城縣主簿姜永年各差替並坐失許置遼使路驛

亭也十二月二十一日滑州言新作遼使驛已題為武

成驛詔改為通津 哲宗元祐元年八月二日詔河陽

初修北使驛亭溫縣宿頓以至德河陽縣中頓以清沈

汜水縣中頓以行慶館為名

元符二年七月二十七

日戶部兵部言涇原路經畧司相度新建城寨自鎮戎

軍至平夏城次至臨羗寨次至西安州為三程仍乞以

石門秋葦南牟為三驛名從之九月二十九日廢延安

府招安寨為招安驛 徽宗崇寧元年六月十四日勅

鼎州龍陽縣永安驛與陵名相犯改為龍潭驛九月五

日修都亭驛畢工詔翰林學士蹇序辰為之記凡役自

五月甲子迄八月戊寅為日十旬有奇凡治舍自門堂

屋廡序為屋五百二十有五 政和四年二月二十五

日詔臣僚上言永興軍館驛年深弊漏見任官無驛宇

往往指占居住致經過使命蕃夷只就寺院或却店安

泊可委本路帥司根檢館驛舊基完葺并創置什物等
其見任指占作厩宇者並起遣撥還仍立法禁止日後
更有指占及借什物出驛者以違制論令禮部給降空
名度牒一百道應副修置 高宗紹興二年十二月十
五日樞密院言高麗使副非晚到闕欲乞令臨安府就
法慧寺充館舍從之 五年十一月十九日新州言本
州廣濟縣已廢為廣濟鎮本鎮有一驛緣自蘄春縣至
本鎮至黃梅縣共一百二十里計程只止兩日程今來
見置三驛乞將此驛廢罷從之 二十五年六月九日
禮部言安南遣使進奉其館舍依典故以懷遠驛為名
從之 孝宗乾道二年六月十七日詔都亭驛班荆館

歲於六月月上旬檢視修整限八月終畢工有違聽提點
官檢察具事因報國信所審度申樞密院自今令兩浙
轉運司臨安府遵守修整務要如法先是國信所言昨
有旨每季檢計添修令生辰正旦使並冬季到闕若每
季檢計於事為煩故有是命八月十一日詔以懷遠驛
給臺諫官為解舍九年十一月一日詔權以貢院為懷
遠驛事已依舊先是文趾入貢臨安府乞以馬軍司教
場為公舍得旨照紹興二十六年懷遠驛修除既而以
狹隘聞禮工部請以貢院充至是有司以繪圖來上故
有是命 淳熙十二年五月十五日詔川陝廣西漕臣
依元降指揮兼帶提舉綱馬驛程公事繫銜其提點使

臣並改作幹辦稱呼如有妄作令提舉官接劾以聞若
州縣於綱馬驛程却有違戾許幹辦官具申逐路提舉
依公舉劾如提舉官不職從朝廷取旨施行時臣條論
興元府駐劄提點綱馬驛程奏謂每上下半年出巡所
至貧恣為州縣害詔降兩官收罷樞臣周必大等因言
提點綱馬驛程多以小使臣為之而稱爲太高至以監
司自處故有是詔

全唐文

宋會要

急遞鋪

太祖建隆二年五月十七日詔諸道州府以軍卒代百姓為遞夫先是天下郵傳率役平民至是帝知其弊始盡易之三年正月二十三日詔郡縣起今不得差道路居人充遞軍脚力太宗太平興國三年六月三日詔自今乘驛者皆給銀牌復舊制也五代以來凡乘遞馬奉使於外止樞密院給牒至是以李飛之詐始復用焉八年十二月六日詔自京至廣州傳置卒月別給百錢端拱二年二月七日詔先是馳驛使臣給家書銀牌自今宜罷之復給樞密院牒淳化三年四月二

十一日荆湖北路轉運司張詠請罷峽州至歸州界水
通人夫從之 真宗咸平三年八月十四日詔應文武
臣僚三班使臣內臣御前忠佐天章待詔諸伎術官等
今後差出勾當公事所請走馬頭子回日畫時於所轄
處送納赴任即到本任送納並繳納樞密院訪聞差往
四川廣南等處知州通判都監監押及勾當事朝臣有
例乘遞馬者多請走馬頭子乘騎遞馬即慢乘進發今
後除急程赴任及勾當緊切公事即得已乘遞馬餘不
得更已置借如違犯並勘罪嚴斷 五年七月十二日
省自京至廣南驛遞軍士及使臣計六千一百餘人先
是以廣南市泊陸運艚賞議自南安軍路汎舟抵京師

命戶部判官凌策與逐路轉運司計度至是省之人以
為便 六年七月樞密院言馬逸宣勅付外別無文簿
拘轄縱有夫陞無由盡知欲別置司以簿發遣帝曰雖
別置司至逐房宣勅不知到發恐難照會可照諸州軍
具逐月承受馬逸宣勅事目及月日實封於次月五日
已前入遞聞奏候至逐房以文歷對會 景德元年二
月詔川峽路州軍監縣鎮等吏卒乘馬遞報公事者自
今禁止之先是以川峽州郡多馳騎往來傳送官文書
及報公事人或驚疑故禁止之 二年三月詔河北兩
路急脚鋪軍士除遞送鎮定總管司及雄州文書外他
處文書不得承受帝以急脚軍士晨夜馳走甚為勞苦

故有是詔 四年閏五月詔諸道州府逐處使臣多以細碎不急事驛遞以聞自今非機密軍馬事不得輒遣驛騎馳奏七月十日增置自京至宣州馬遞鋪 大中祥符元年十月詔沿路所置急脚遞鋪蓋令傳遞文書如間有近上臣僚并往來中使多令齎持物色負重奔馳咸不堪命自今非宣勅並不得應付 三年三月河北沿邊安撫司奏河北諸州軍馬遞鋪兵士有父母骨肉散在諸鋪者已配在一處從之 五年十一月十二日令諸州遞鋪兵士有子孫同在軍籍者許同營居時有言鋪兵子孫皆異居者帝憫之特有是命 九年三月二十二日置梓州至錦州地鋪先是命民丁傳送今

革之也 天禧元年十月令樞密院諸房副承旨邵文
昭管勾支散遞鋪舊例驛馬有關合郡杖司左右驛驥
院配定進呈又命樞密院承旨張質管勾支散至是質
卒命文昭代之 三年五月屯田員外郎上官必言諸
處巡轄馬遞鋪使臣多權差勾當職外公事望自今免
廢本職從之 四年七月七日遣市使小車給鳳翔府
至綿州遞鋪仍為增葺補屋以道險且速故也 五年
十月淮南江浙荆湖制置發運司周寔言自今轄下如
有倉場庫務綱運為槩及水火損敗令急速差官點檢
非常程公事許給遞馬一疋從之 乾興元年七月

宗即位未及元

都進奏院言諸道州府往來遞角內所

少諸般文字物色元降條貫專牒巡轄馬進鋪使臣驅
逐根尋緣仗臣懼遭勘責牙相推注欲望自今巡轄使
臣地分內有人偷拆違角根究得寔即更不問罪或乞
理為勞績如却為他處根逐得寔即取勘批上歷子得
替日遞降差遣從之 仁宗天聖元年五月二十六日
詔內臣諸司使副供奉已下於諸處投送金龍玉簡及
建道場齋醮不得占使舟舡往來遞馬不得過三尺如
違並科違制之罪 八月八日詔諸道州軍馬進鋪兵
士如有作過罪止杖六十已上情理重及頻犯者並配
隸本城下軍如無本城兵士即勒令重役 二年三月
二十二日河北沿邊安撫都監張浚成言伏見天雄軍

地分馬鋪缺馬長行皆抽差諸般雜役有妨本鋪支應
乞降條約詔自今諸路馬鋪兵士不得抽赴他處功後
七年閏二月詔自今應係承遞馬文武使臣請到頭子
勾當了日畫時於合條去處送納繳連赴樞密院仰都
奏進院指揮在京諸門馬鋪每起供遞馬如京朝官使
臣三日內非次寔有故事即具緣由於樞密院約換仍
令置簿拘轄逐旋勾銷有不納到者勘會元給月日計
程數催促及取問住滯回依間奏 六月監察御史王
嘉言言昨承遞馬往信州勘鞠公事窺見蘄黃州界多
差配到雜犯軍人充馬遞鋪祇應別無人員幹轄多即
便為非剝竊行旅欲望自今諸路馬遞鋪兵士並於本

城差無過犯軍人充其配到雜犯軍人只勒在營有人
員部轄役使使詔轉運使相度如無妨碍即依奏施行
八月都進奏院言自來馬遞鋪轉遞文字物色遞鋪
交割封頭皮紙角但有損動破污下鋪便具狀驗認所
損去處令前路據狀照會交割遞角既稱封印不全即
沿路任便偷拆至投下處或點檢文字物色數少只是
勾追元供狀人根勘竝不見得偷拆損動去處歸着欲
請轉遞皮紙角物色等如封頭裏角破損無憑交割者
即本鋪與元轉送軍人同齎於所到處知州縣或都監
押及地分巡轄使臣處畫時重添封印仍別出引批鑿
交割如曾經偷拆即官員躬親拆開將內引數目點對

據見在文字物色重封交割前來其兩少名件即就使
根勘行遣牒報逐處如止是外別破損不忤封角者即
令逐鋪人員曹司具文狀隨遞照會前來或到後下處
點檢數少即挨排住滯時辰地分根勘從之 八月十
一日權三司使公事胡則言諸州軍馬遞鋪多差本城
指揮使或負僚提舉訪聞所差軍員盡作優餽於兵士
處乞取錢物是致轉加貧困况逐鋪有節給部押及使
臣巡轄欲望自今更不差軍員提舉詔諸路轉運司勘
會有使臣巡轄處即依奏施行如無使臣處仰依舊存
留仍鈐轄不得乞覓錢物違者當行重懲 十二月詔
廣南福建江淮京浙路巡馬遞鋪使臣內有兼巡捉私

茶盞勾當去處自今令三班院選經歷事任人差充慶
歷四年正月十一日以大雪賜河北京西河東遞鋪軍
士特支錢 皇祐元年正月二十一日詔凡有邊警而
敢盜發地爾者斬 十月二十三日詔馬鋪每一晝夜
行五百里急脚遞四百里 四年七月九日詔自京至
廣州增置馬遞鋪仍令內臣一員提舉 至和元年七
月九日詔陝西轉運司自永興軍至益州遞鋪軍士方
冬苦寒挽運兵器不息其各賜緡錢有差 嘉祐八年
英宗乙卯任未改元 九月二十二日詔遞鋪住滯文字
違一時辰并半時辰各杖六十一時半杖七十兩時辰
并兩時辰半杖八十移配重難遞鋪三時半杖一百

移配重難遞鋪八時辰半徒二年 神宗熙寧元年正月十八日樞密院上新定到文武官合乘遞馬條貫詔可先是諸色人給遞馬太濫所在馬不能充足以致急遞稽留故也 二年六月九日詔京朝官差出峽勾當審官院依舊例出給人馬公憑大使臣差川峽差遣即仰開封府出給訖奏更不中樞密院 四年三月七日樞密院史房言勘會所給遞馬頭子內自京差往外任任城官員雖於頭子內書填候到日於本處送納繳連樞密院其間多有不曾繳到者竊慮因循別生奸弊乞下進奏院遍牒諸路州府軍監今後官員到任仰取索有無遞馬頭子如有立便勾抽繳連於樞密院送納如

有稽違令所在中舉乞行朝典詔令都進奏院遍牒施行其應短使及諸般差遣內臣大小使臣等所給遞馬頭子令於閣門并在京所轄處送納令尚書刑部遍牒在京諸處應係差出官員所轄人終候到京朝見或公參日並取索曾與不曾乘騎遞馬詣寔文狀如曾請領遞馬頭子即便具狀繳連於樞密院送納如違當行朝典 八月三日點檢陝西路馬遞鋪趙納之言乘遞馬者如到州縣未發間止許占一匹候行日方許差撥州府公用等物不許令遞鋪推般從之 七年四月十二日詔乘遞馬者於水行州縣聽乘舟官以役錢雇 八年十二月二十一日詔自京至廣西邕桂州已采沿邊

置急遞鋪仍令入內省差使臣一人點檢 元豐元年
五月二十八日上批日者廣西凡有邊事五六處交奏
不惟過涉張皇深恐沿路習為常事或真有邊機當速
下轉運提點刑獄經略邕州安撫都監司自今非緊切
邊事毋得擅發急遞及經略司已奏者勿重復如速司
自有所見及經略司處置未盡不拘此令 二年三月
十七日太原府路走馬承受金惟幾言馬遞鋪兵窮因
凍餒乞加寬卹上批久聞鋪兵藉勅之狀深可傷惻今
因惟幾到闕面審其實亟宜拯卹可委河東都轉運使
陳安石速具措置以聞 七月三日上批陝西馬遞鋪
人馬多闕方軍興飛言遣使此最先務宜令兩路提點

刑獄文臣點檢補填數足申明條約開封府界委提舉
官 八月十二日詔內省選差使臣二人自京分詣陝
西沿邊麟府等路於遞鋪內可選充急脚遞鋪兵級對
換不堪走傳文字之人仍相度鋪分地里遙遠去處置
腰鋪 二十九日詔自京至陝西河東用兵路分遞鋪
各賜特支錢 四年十二月二十三日京西左藏庫副
使鄧錫宣言差提舉編排環慶府路馬遞急脚鋪等需
見常州至清遠軍駐札將官潘定劉清運日使山道路
通活別無阻節其南州至常州駐札將官劉傑梁進雖
差下未至即今靈州至韋州向上糧道阻節不通乞差
近上臣僚多發廂軍自新界柴棧溝每十里置一鋪及

勅堡寨以便運糧轉送文書詔令胡宗回詳繼宣所奏
展轉移牒指揮劉僅等速赴所分地巡緝通道令宗回
具析見權本路帥領兼職在饋運道路梗塞並不措置
回依以聞 五年三月二十一日詔陝西五路自大軍
入寨之後沿路馬遞鋪甚失編排有妨轉送文字專委
官整葺陝西差胡宗回王欽臣京西差梁燾 五月二
十六日蒲宗敏乞自秦州至熙州量地里遠近險易置
車子鋪二十八招刺兵士從之 六年九月二十五日
詔廊延路令毋輒出兵令樞密院更不送門下省止用
金字解發下牌長尺餘朱漆刻以金書御前文字不得
入鋪猶速於急遞 七年八月三日權河北轉運判官

張適言已違第十五副將王文景領兵捕殺澶州界群賊權令選來馬鋪馬七疋詔張適不當差馬鋪馬給料下特釋罪 哲宗元祐六年四月七日刑部大理寺言赦降入馬適日行五百里事干外界或軍機及非常盜賊文書入急脚適日行四百里如無急脚適及要速并賊盜文書入馬適日行三百里違不滿時者笞五十一時杖八十一日杖一百二日加一等罪止徒三年致有廢缺事理重者奏裁從之 徽宗建中靖國元年正月九日都省劄子訪聞諸路馬適鋪人例皆缺額致見存應辦役仗倍有勞苦往往不能依鋪分交替因致鋪兵盤纏闕乏多飢凍僵殍或逋逃聚為盜賊適馬易株失

時枉有死損詔令兵部行下逐路監司疾速經畫措置
申嚴條約裁損泛濫差役及責立日限委當職官招填
投換闕額人兵并量增價和價適馬並早令數足元額
相兼應副役使仍每月具招填過人兵及買列馬數中
尚書省 三月二十七日中書省尚書省檢會元符職
制勅馬遵鋪使臣私役所轄兵級鋪夫罪輕者徒二年
不以赦降原減者詳元祐以前編勅並無遇赦降不與
原減不法乞止科徒二年罪從之 崇寧元年六月十
四日勅鼎州龍陽縣永安鋪與陵名相犯改為龍潭鋪
七月十八日都省批送下成都府路轉運提舉司奏勘
會本路諸州軍每年差衙前管押上供及別路年額木

賜并坊場錢買到物帛綱運不少多是沿路關少違鋪積押住滯雖有本條如違鋪缺人許差廂軍及和雇人夫沿路州軍往往不為便行應副蓋自來年未有立定罪名不任其責今欲乞今後川路諸般綱運至州縣缺少鋪兵承受申報不為依條差那廂軍或和雇人夫貼鋪遞送以致住滯許押綱人經本州及逐路監司次第陳訴或至卸納州軍中陳移牒所屬根治施行其干繫官吏並依綱運無故稽留勒條一等科罪所責各公共協力應副黃貼子稱乞縣無廂軍處如少遞鋪便行和雇人夫及逐縣作料次預先請領封樁缺額遞鋪廂軍請受錢在縣樁管準備文遣如無或不足即於轉運司

錢內依此椿撥伏乞下有司於元條內修正施行兵部
駕部勘當欲依所乞仍令逐州量度立定每料錢數應
副及川路諸般綱運所至州縣缺少鋪兵依條差那廂
軍或和雇人夫貼補即難將諸般綱運一例差廂軍或
和雇外欲令外縣承受到上供錢物及應付荆路額衣
賜綱運申報缺少鋪兵具合差人數中州及差廂軍如
缺便令本州行下本縣依舊和雇施行戶部右曹金部
度支看詳施本部別無違礙從之 十二月二十二日
兵部狀點檢編排自京至荆湖南北路馬遞急脚鋪所
狀今點檢得鼎州教山鋪至辰州門鋪人馬除傳送文
字外其餘人馬多緣應付軍興差出勾當官負諸色人

打通體訪得上伴鋪分蓋是役多人少自來鋪兵傳送
不速多作打通名目影占身役見別作劈畫外檢會元
符令諸急脚鋪兵不得令傳送官物蓋緣上項法意未
盡致官員諸色人等無所畏憚欲乞下有司立法應官
員諸色人合破遞鋪榜擊輒役急脚鋪兵士或曹司者
以違制論詔依兵部所申 二年正月二十日駕部員
外郎陳賜狀竊見諸路遞馬近來兵級養餉不切如法
多是死損以致缺馬欲乞令州軍記籍死數至年終將
遞鋪馬數各以三分為率無上件致死者管轄節級優
立酬賞若有及五厘以上即科重罪及一分以上仍移
降重寢去處其巡轄使臣至界終降條條比較分數殿

降外更與加賞罰節級自來未有賞罰兵部勘當欲依
本官所乞事理施行內馬舖節級每至年終如無贖減
致死者與支賞錢壹貫伍伯文若有及五釐科答五十
及一分以上科杖七十詔依兵部所申 四年九月十
八日尚書省奉御筆舊條事干外界或軍機并支撥借
兌急切備邊錢物非常盜賊之類文書方許入急脚遞
舖送擅發急脚自有立定刑名近來官司申請許發急
遞司局甚多其間有所私家書簡並不依條入步遞遣
發却放尋閑慢闕移或以催促應入急脚遞文書為名
夾帶書簡附急脚遞遣發致往來轉送急脚遞角繁多
舖兵疲乏不得休息可參酌立定斷罪刑名今立下條

諸文書難應入急遞而用以為名輒附非急文書者徒
一年附私書之類者加一等從之 大觀二年三月十
四日詔秦鳳路鳳州鳳翔府寶鷄諸縣當川陝之會郵
傳人卒月給錢糧錢輕物貴而糧多坐倉收糶食用不
足以故逃逸者眾招募不行遂差雇百姓運致官物監
司恬不措置而州縣利於差科配擾良民不給雇直阻
滯綱運可令提舉常平官體究事實具弛慢官吏聞奏
三年二月七日荆湖北路計度轉運副使李偃言本路
日有朝省急速通角往來續承朝旨如有住滯急速文
字其提舉官一例重行黜責今日近朝省發來急速動
經三四十日馬步遞經五七日至三兩月以上方始

通到全然違滯蓋為通角自都下經由府界京西湖北
路界內稽留稽滯本路文字無緣點檢根催深慮闕悞
乞令其他慢不職因依一面申聞朝廷重行點責從之
政和三年二月二十九日尚書省劄子勘會急脚及
馬遞鋪昨措置私拆盜毀亡失留滯約束法令備具近
來所屬官司並不檢舉覺察近奉聖旨措置今欲依下
項契勘非為巡轄所管地分內有十里以上地分廣闊
去處例皆檢察不通且如江西路虔州等處使臣一員
見管地分三千八百餘里顯是不能依限巡過致鋪兵
作道今欲每及千里差置一員舊額多寡處自依舊仍
仰逐處路提舉官將所添使臣以州軍遠近道路順使

接連去處重別均定具合以某處某名中吏部差注所
有不曾添置去處如見管地里輕重未均亦仰重行均
定其使臣解字仍於所管地分中路安置梓州路七十
四百餘里管轄使臣四員欲添置三員夔州路六千五
百餘里管轄使臣三員江西路七千三百里管轄
使臣三員欲添置四員湖北路除潭衡邵州軍武岡軍
各置巡轄使臣一員外永全道郴州桂陽監三千八十
五里共管巡轄使臣二員欲添置一員河北東路四千
八百餘里管轄使臣五員河北西路四千五百餘里
管轄使臣五員河東路九千六百餘里管轄使臣
九員文畿三千八百餘里管轄使臣六員熙州蘭湟

路四千六百餘里管巡轄使臣八員廣東路五千一百餘里管巡轄使臣七員欲更不添置廣西海北二十三州計一萬二千六百餘里管巡轄使臣六員欲添置六員廣西海南瓊州昌化軍萬安軍朱崖軍共四州軍自來只是巡檢兼管巡舖未曾專置巡舖使臣欲專置巡轄使臣一員京東路五千九百餘里管巡轄使臣四員欲添置一員利州路四千一百餘里管巡轄使臣六員欲更不添置勘會通角稽遲在法止是縣尉巡轄使臣有立定賞罰條格而縣官皆不任責亦無勸賞遂使巡轄使臣巡歷未至去處坐視違滯並不檢察欲馬通舖並令知縣縣丞主簿同共管轄巡察任滿及歲終以所

管界內急脚馬遞舖承送遞角賞罰內知縣丞比縣尉
各減一等即無可減降及主簿並同縣尉法檢會令文
諸急脚馬遞舖州縣舖寨興廢或道路更移及官移文
書隨事多寡而舖兵遞馬有餘或不足者聽巡轄使臣
申州量事挪移更不得抽差他役今諸路並不曾依上
條施行致舖兵轉送官物文字勞逸不均欲令提舉馬
遞舖官委巡轄使臣逐一參詳若依上條有合行移舖
分及添減人兵去處仰重行均定訖申尚書省勘會巡
轄使臣今已立定每及千里一員然所居地分亦不下
三五州軍雖比舊巡轄稍類緣絲是不得專一契勘急
脚馬遞舖除依舊每二十人差置節級一名外並無將

校等催促轉送部轄欲令逐路轉運司除舊人數差置
節級外諸州每及百人置十將一名每二百人仍置都
頭一名五百人更置將校一名部轄及往來催趕遞角
官物其合置人數仰轉運司將逐鋪見管人兵立定合
如何排轉具狀申兵部類聚措置合轉階級申尚書省
未轉補間令先次且於本城內差撥候有轉補到人逐
旋替換詔依擬定 四年十一月三日京西北路提舉
常平司奏欲乞本司應奉西幸事務往來遞角權入急
脚遞轉送詔應西幸事內急速者並入急遞 六年十
一月十八日詔訪聞諸路馬遞鋪傳送文字多有住滯
況夫并偷拆等事昨降指揮措置差補將校部轄可檢

會申明行下所屬限十日預管差置了當中尚書省類
聚間奏 七年六月十五日宣義郎殿中丞李必奏蒙
差自都至陝西點檢急遞歷陝西六路沿邊州縣將御
前金字牌等處通角逐一驅磨盡已了當并催督綱運
津遣並無遺誤詔李必轉一官 重和元年十二月十
五日兵部奏承權發遣提點淮南西路刑獄公事兼提
舉馬遍鋪所俞向狀准批送下淮南西路兵馬鈐轄司
狀講究得諸軍兵如有逃亡之人不即中發隱避說石
請領依糧等欲立定刑名告賞等事送兵部勘當中尚
書省本部契勘巡轄使臣任內逃亡鋪兵青罰已有條
令任滿比較自合遵依見行條貫所乞將兵官歲終以

所管鋪兵比較推賞及乞覺察詭名及冒名承代請受
立定分數雜賞事節乞下本路提舉馬適鋪官相度今
相度下項淮西鈐轄司所乞巡轄使臣比較逃亡及二
分展磨勘二年今相度欲比附前項勅條候任滿不及
一分減磨勘二年從之諸路依此 宣和元年四月十
一日朝奉郎直祕閣權知洪州徐揚奏檢會近緣去年
五月以後頒朔布政詔書并急遞等文字遞鋪注滯過
期方到已奉御筆令轉運司體究巡轉遞鋪使臣先次
衝替與職職官並勘罪奏令未正月頒朔布政詔書係
十二月二十一日入遞沿路注滯經及三十四日方到
雖在本月內已是下旬然當月止有五日兼契勘逐時

都進奏院遠來急遞朝廷文字亦多是經及四五十日
詔書以御筆指揮日行五百里當急程遞日行四百里
其沿路遞馬鋪尚敢仍前違慢臣今體問得多是曹級
容令鋪兵售雇與往來人擔葶或肆為營趨積聚公用
三百件方差一二名貧乏者負擔承傳似此抄轉名件
既多擔務例皆負重何緣依應條限巡鋪使臣畧不點
檢雖已移文逐路催促緣係別路終是催赴不前兼慮
有朝廷急速報應文字往來失期會會欲望特降睿旨
立法措置仍下逐路提舉馬遞鋪所督責巡鋪使臣當
職官鈴束鋪兵依條限傳送免致違滯奉御筆可措置
立法將上取旨 八月十六日權發遣京畿提點刑獄

公事許億奏方今州府縣鎮驛舍亭輔相望於道以待
賓客其法固已具備然吏習弗虔不以時察梁甬撓折
或牆壁圯壞歲月既久多致摧塌使道路無所宿息為
行役者之患臣職之所領近在畿甸目所親見有若此
者四方萬里之遠從可知矣欲望特降睿旨俾諸路各
行修整嚴責州縣常切檢察使出於塗者有所依上亦
足以伴盛時仁政之萬一工部供到政和令諸營結解
字館驛馬道鋪橋道及什物之類一就檢計謂如驛驛
有損卽一驛之凡有損壞處皆是三十貫以下轉運提
舉常平司分認從所屬支修訖申逐司諸營造材料所
支錢及百貫或創造三十間每間不及四椽者以四椽

準一聞申轉運司創造及三十間者仍中尚書工部
創造三間或繕修十間并應支轉運司錢者申所屬相
度行應中者核計仍委官覆檢其創造及百間具奏聽
旨諸營材料並官給闕官差軍工採官山林又無以轉
運司錢買若不足聽於中等以上戶稅租內隨等第以
實直科折詔坐條申明行下十月五日中午書省尚書
省言檢會政和勅馬逆承傳文書違一時杖八十二時
加一等一日徒一年二日加一等配五百里罪止徒三
年配千里並重役處急脚遞加二等其法已嚴近來急
脚遞文書尚多住滯蓋是所止不肯即時交割或行用
錢物使令越過人力不勝因致違滯今恭酌事立告賞

斷罪庶可懲革檢修下條諸急脚遞承傳文書所至無
故不即時交割或行用錢物令越遞者徒一年受財而
為越遞者減二等並許人告諸告獲急脚鋪無故不即
交割文書或行用錢物令越遞及受財而受越遞者錢
三十貫詔從之 八月利州路轉運司提舉馬運鋪所
奏勘會川陝路之官罷任準條並破鋪兵各有立定人
數訪聞近來得替赴任官員有自前路連鋪曾級取受
情囑增差鋪兵前來泊至本界若曾級取文書看照
多是輒鞭撻勒令依數差換動經五七鋪方錢交替鋪
兵緣此赴窳闕人般廢網運已專立法禁兵部有詳法
禁修潤下項諸初供遞馬鋪兵處及所至州界首鋪曾

司節級取文書驗實巡撫使臣在鋪者並呈驗鋪應取文書驗實而不出文書使照聽不得供差人馬諸因差迎馬鋪兵輒啟縛曹級鋪兵者加罰啟罪一等詔從之 二年七月十日河北路轉運使李孝昌奏近奉聖旨差提舉河北東西路馬遞鋪契勘本路密接虜境每年國信往還應辦上供綱運等遞角浩濶全藉有心力巡轄使臣往來巡察方免稽遲近來他司却將不公不職使臣與本路巡察使臣對移深恐刑戮悞事乞今後巡轄馬遞鋪使臣不許他司對移充別職任所有本路見對移巡轄使臣乞許令依舊歸任元對不公不職使臣令別行移對施行詔依并諸路依此施行 九

月二十六日詔監司守臣等許發入內侍省通角並仰以千字文號記如有沉匿庶可根治檢察三年二月二十八日勘會近緣捕賊諸處遞鋪傳送文字顯有勞役仰巡轄使臣具經由鋪分曾級兵士姓名申轉運司特予量行犒設三月十三日入內侍省武節大夫充睿思殿供奉權殿中省尚輦局司園典御梁忻奏臣奉御筆差自京立淮南往來催促驅刷遞角臣竊見本路急脚遞所傳文字名色冗併角數浩漸鋪兵唯知承送難為區別訪聞他路類皆似此於馬遞鋪勅條明有法令諸急脚遞不應發者徒二年緣有司奉行減裂略無畏忌雖許巡轄使臣具奏但人微官卑莫敢誰何兼

寔封文字不能窺測積習滋久寔以成弊究其本源往
往多是因公及私欲其速達吏不契勘條令即入急遞
前去當此軍期之際遂與奏報交指是致以一畫匣為
率動輒數百鋪兵曉夕承傳尚或不前顯屬未便雖非
軍期路分亦宜禁止乞詔有司申嚴法令載在本勅庶
幾冗遞減絕人力易申詔急遞所傳文字有不應發而
發者致角教浩瀚人力不勝有誤軍期可申明條禁遍
行諸路如有犯者並不以赦原庶訪使者常切覺察
一四月二十三日中書省尚書省言檢會下項政和格給
遞馬人兵數武功至武翼大夫二匹一十人武功至武
翼郎二足七人教武修武郎二匹五人內侍官二足三

人政和令諸朝廷非次差官出外應納過馬及補兵兩
應給者聽從多 宣和三年二月十四日勅修立列入
內內侍省傳宣撫問使臣格過馬鋪兵官二疋三人取
到駕部狀稱傳宣撫問內侍官差破過馬鋪兵如本官
係修武郎以上合依政和令從多給若有押賜夏藥等
官物差破鋪兵每人約搭官物六十斤各隨所押賜物
多寡斤重差破從之 二十五日秦鳳路經畧安撫司
郭思奏過角曹級盜拆罪名不輕却有大小官負使臣
道逢過角或安下處門首以借者為名或妄託諸監司
及州府差來根刷過角為名直於道中轉過人處取入
安下等處盜取所過文書抽看前後轉到前鋪或至地

頭驗出拆損封頭去夫文字不少契勘尚書省樞密院
宣撫使司發與本司違角及本司發去違角莫非御前
與朝廷邊防機密文字今未輒敢拆開觀者泄漏事節
焉知不是奸細欲乞於盜拆違角下吏添入詐欺逃往
偷者在道違角并違鋪兵士擅使依從將違角文書與
上件人者重立刑賞許諸色人告捉庶幾可以止絕從
之 八月十二日德音應自京至軍前急脚馬違鋪兵
士等如有因公死於道路者仰所屬董事優恤其家又
應自京至逐路急脚馬違鋪近因轉送軍期文字違滯
避罪逃竄之人可自今未指揮到限一季許令首身並
與罪免依舊收管勘會捕賊之際承發文字遞送訪聞

鋪兵人力不勝間有稽留仰所屬子細取驗住滯文字
如委非緊速不夫機會者持免推究 五年五月四日
臣僚上言契勘過角文字寔封違發其不應入急違而
輒發者雖有斲罪刑名除許抽摘折驗外別無閑防覺
察欲乞應承受過角官司將所受過角置簿抄上元發
遣去處月日時辰係是何事日元發甚過分明籍記監
司廉訪使者出巡所至取索點檢若有違法按劾施行
契勘馬過鋪兵請受徵簿蓋是州縣從來不曾依條豫
請口食借給越過鋪兵既食用不足必致盜竄欲乞應
逐路管馬過鋪州縣須管豫支口食草料付逐鋪節級
收管遇別鋪人馬越過或雖非越過而地里寫遠亦斟

量即時借給若州縣不為應付即乞立定罪名及委提
舉官常切覺察按劾施行詔坐條申明行下 七月十
四日知成都府席貢奏契勘諸路設置急脚馬遞鋪兵
承受往來文書皆有程限不容違滯或私拆盜匿及有
損失官司點檢封印傳發條法備具近緣邊角損破鋪
兵經官中陳多不受理以次鋪分不肯交承遂致鋪兵
打過直至本府往回數千里沿路並無口食乞丐前來
本府已一面根究及別出給鋪兵口食曆并公文遣回
外欲乞自朝廷立法約束奉御筆尚書省勘當立法本
省今參酌增修下條諸急脚馬遞鋪所遞文書並驗封
印及外引牌子交受傳送如有損失所至鋪分押赴本

轄使臣或所屬州縣究治即時封印具公文遞行亡失

文書者速報元發遞官司即傳送官物無人管押而累

角封記損動並準此以上因封印之類有損失而輒遣

越過者因損失而妄詐闕失越過同聽鋪兵經本轄使

臣或隨逐州縣陳告仍聽所至官司覺察點檢中本路

所屬監司究治罪處非本路者具事因中尚書兵部從

之六年五月六日入內侍省奏勘當本省承受諸

軍州軍帥司監司守臣廉訪等轉發到奏狀遞角欲乞

遇有轉到諸處優下字號奏狀並不全筒角依例本省

間奏牒尚書省駕部一面計程責限下巡轄馬遞鋪使

臣遵一驢刷根速送所屬依條施行庶得遞報機速文

字不致稽違失陸詔從之令中尚書省 九月十九日

詔輒以承受發下邊角為名差占鋪兵以私役禁軍法

發遣者徒一年 七年二月十六日詔置郵以傳命令

近來鋪兵衣糧不給逃亡不補造馬芻豆蔑有存者違

慢至此巡轄官並罷別差能吏仰提刑司分按支給衣

糧草料修繕營補補足兵馬廣訪司寂寞以聞 三月

二日京西路轉運判官史徽奏昨奉旨兼提舉京西北

路馬遞鋪緣本路西京河陽鄭滑州係當三路之衝最

為浩繁鋪兵勞苦理宜存恤自來差出使臣一槩鞫為

之馬奉使不遵大憲條法往往毆傷人兵打過遞馬乞

改錢物州縣觀望不敢繩治及當州縣當職官公為占

破私自役使或以假人自來未有法令禁止詔逐路提
刑司根勘私役去處聞奏今後大有差破及作名目占
使抑勒出備錢物之類並計庸生贓論令尚書省立法
四月二日朔衛大夫安德軍承宣使直睿思殿李彥
奏臣竊見近降處分京東路提舉馬遞鋪所自後遞馬
鋪兵不得更似日前非理勾集拘留所有人馬請給單
料除合生倉數外並按月椿備本色支給倒塌損壞營
房支破官錢疾速修葺見逃亡人兵多方招誘立限兩
月許令首身見闕遞馬疾速依條施行臣近被奉處分
前去京東路勾當公事其沿路一帶鋪分營房並未曾
修葺雖有見管鋪兵去處往往不過三兩人承轉文字

亦有無人交替舖分致積滯角留滯程限誠有有悞過
防機速事務欲將諸路應干急脚馬遞舖事務別委他
司官專一提舉措置詔依奏應諸路今後並差廩訪使
者兼提舉漕臣專一應付 五月四日尚書省言發運
副使盧宗原奏依奉御筆拘收九路錢物措置雜買斛
斗逐時所行文字不少並是特報供奉御前近點檢得
諸處發來逆角文字例各在路違滯動經累月有悞本
司照應行遣檢承政和勅節文急脚遞每歲稽留通滿
五釐者巡轄使臣縣尉各答五十使臣辰磨勘一年縣
尉降一季名次滿七釐各加一等使臣辰磨勘半年縣
尉降半年名次一分各人加一等使臣差替縣尉降一

年名次今相度欲乞據九路州軍報應本司錢物文字
並令人急遞別置簿歷傳送每旬本州通判廳磨有無
往滯保明申本司若有往滯其遞鋪兵級即送所屬依
法劄罪外巡轄使臣并本縣尉許本司體量取勘申奏
又奏契勘遞鋪衣糧往往不依時支給是致鋪兵逃竄
乞特降睿旨令授鋪兵衣糧預於諸軍支給如有逃亡
人數並依條限招差填闕從之 五月九日德音京東
河北路州縣應許郡縣應付邊事官員往來遞馬不足
多勾鄉村有馬之家充馬戶差使自今尚敢循習前弊
仰監司廉訪使者按劾以聞當議重行黜責 七月十
一日言尚書省奏諸路馬遞鋪回事措置約束條法日

條其轉送過角網運留滯轉多盡緣當職官司偷墮苟
且條令未嘗舉行馴致奸弊提舉官名存實廢漫不檢
察為害甚大詔令諸路提舉馬過鋪官常切提舉按察
巡轄官偷墮不職並仰依條按劾仍令逐路廉訪憲司
各行按察每上下半年具本路管下馬過鋪承轉過網
運過角數目有無留滯及應干合行遵守條法事件有
無違戾逐一開具申尚書省類聚歲終具不盡不寔並
以違制科罪 十一月十九日南郊制勘會崇寧年後
未并昨與軍興自京起發河北路軍器銀鈔絹等網運
用過鋪兵士推般依京西路軍器例每人日支口食二
升五合訪聞有司將其間不係推綱日分支過口食於

鋪兵月糧內尅納及干繫人名下均攤多致逃竄應上
件推網鋪兵已支口食如有不該鋪破並與除放 欽
宗靖康元年七月二十三日臣僚言竊見兵革未弭羽
檄交馳凡有節令及四方供應文書類多急遞今聞畿
邑如尉氏鄆陵等處及京西一帶遞鋪兵卒類多空缺
而州縣恬視不以填補至有東南急遞文書委棄在郵
舍廳廡之下數日無人傳者且如福建路有經半月二
十日杳無京報遠方官吏妄意疑懼及會問兩浙方知
畿甸平定欲乞嚴戒州縣遞兵有缺速行差填若於兵
卒差補不足衣糧不支支而逾期或容縱人侵削責在
縣令事干州郡者責在知通仍仰監司季輪一頁親詣

或妻官照檢若因莽容縱者坐罪并鋪屋破壞處亦使
修葺從之 高宗建炎元年五月一日赦應急脚馬遞
鋪兵因金人所至逃散可專委本路提刑司疾速招置
仍依時支破請給三日又詔下諸路提舉茶馬鋪以多
方招誘又將急脚鋪先次剗刷諸色廂軍填補請給衣
糧今按月支遣除傳送文字外其餘應合破遞馬鋪兵
權行任罷候措置就緒日依舊六月一日又詔令諸路
轉運司先次將差出人拘收歸元未去處其逃亡缺額
於本處廂軍內撥填其請給三分中更增一分舊人依
此請給差與權免諸般差使專一傳送文字如招到後
却有逃亡出首之人其所增請給更不支給 九月二

十一日臣僚言有司失職郵傳不通陛下即位以來詔令多矣而浙東州軍所被受者唯兩赦及四五御札其他片紙不傳浙東距行在止二千餘里而命令阻絕如此彼川廣福建可知矣契勘諸道進奏官遇有被受文書畫時發遣或合謄寫檄告各有成法比緣一切指揮官吏分番其留行在者一月一易遂致廢事竊謂寺監局務官司事屬一體難分番次未為甚害唯進奏人吏分掌諸州一吏下番則一州事廢雖有兼權之人孰肯盡心典領他人之事又馬遞鋪兵緣軍興調廢或因招軍許令剗換故所在多有出額乞應進奏院官吏並隨行在凡文書被受謄寫入遞並依常法敢有違滯重置

典憲其詣諸州應有進奏官供給及年例應付之物並
仰發未行在俾為繳札之費仍乞戒飾諸路提舉馬遞
鋪官督責巡轄使臣格填鋪兵驅磨通角毋或違慢仍
令諸司互察及門下後省照檢按劾施行其文字不到
亦許諸路州軍徑中門下後省庶幾四方萬里皆得聞
朝廷號令知陛下憂勤愛民之意詔進奏院令監官條
具中尚書省餘依 二年正月十六日詔江南東路轉
運副使李謨兼本路提舉馬遞鋪 五月一日指置東
南馬遞鋪徐公裕言乞將進窺鋪兵自指揮到日限一
月經所在出首特與免罪依舊收管從之五日又言昨
點檢到淮南急脚馬遞鋪兵內有額外到遞逃走人數

並支破請給其見闕人兵舖分却不曾撥填緣昨請降
聖旨將額外人數令本路提舉馬通舖監司比類撥填
見闕去處若無缺並中解本州撥填以次舖分如本州
管下又無缺即中解轉運司差填本路州軍並不許額
外收係竊慮江浙等路亦有似此額外收到人數乞於
前項指揮下逐路提舉監司施行肯免增肯請給詔依
六日御營使司奏馬擴劄子諸州縣道路馬通舖緣
兵火殘破未曾復置訪問諸處兵馬出入於所經州縣
以和雇為名料差過馬人夫因而搔擾今來本司應於
官屬乞更不差外尚慮諸頭項應援軍馬官屬及奉使
監司等官循例差撥乞將應干過往官員合差過兵舖

兵權行注罷候邊事寧息日依舊所責杜絕搔擾害民之弊仍乞下本司遵守按知施行從之教內監司奉使官合差過馬鋪兵不可闕者乞許破省馬廂軍 十一月七日知揚州黃願言勘得九女澗通鋪王安擅拆東京留守司通南事詔王安特依軍法今後如有擅拆令開折窺察之人並依此施行 二十二日赦今未赦書慮有闕少鋪兵轉送未到去處仰諸司諸州縣鎮被受日時謄錄互相關報鄰接官司疾速奉行如有違滯並科違制之罪 三年二月十八日知杭州康允之措置本路衝要控扼去處擺鋪斥堠每十里置一鋪專一傳遞日逐探報斥堠文字每鋪五人新舊弓手內選有心

力無疾病能行步少壯人充每日添支食錢三百文省
每鋪並限三刻承傳置歷批寫時刻每五鋪選差有材
幹年五十以下使臣一員不以有無拘礙委逐州於見
任得替待缺官內日下抽差或召募有物力武勇人借
補進義校尉充往來巡轄侯及一季無違滯有官人轉
一官召募人與正行收補知委州通專切檢點縣委知
縣尉主管月支食錢三貫文如無違滯每一季減二年
磨勘從之 三月十八日康允之又言巡轄官知通知
縣縣委除鎮江府至常州以北邊近大江最為緊切處
處欲依已畫降指揮支給食錢及推賞外所有無錫縣
以南係近裏優穩故比前項支錢推賞各行減半餘路

亦依此凡附施行所責輕重均齊從之 五月十三日
樞密院奏今未車駕駐蹕江寧府本所諸處別無盜賊
亦無大段文字傳送欲將斥候鋪先次住罷發還弓手
餘路合罷處依此從之 六月二十日詔沿江州軍及
沿江制置使司疾速措置將本州管下沿江地分量遠
近相度上連下接支破官錢計置輕捷小舡子二隻選
募會船水楫梢每船三人每人支食錢三百文專一傳
發斥候軍期機速文字仍令接界地分依置船傳送委
自逐縣令佐并巡轄官常切點檢及置歷抄上名件出
入界日時本州知通每旬取索點磨候軍事定日住罷
四年八月一日詔令沿江諸州守臣依已降指揮日

具探報事宜入遞鋪及專差人齎中樞密院以侍御史
沈與求言道路傳言賊騎猶在雁儀等處朝廷雖聞遣
探報動涉旬餘或有事宜知之已晚更乞下沿江州軍
專委守臣差人探賊馬動息排日申樞密院仍令沿路
縣尉差弓手傳遞前來故有是命 十四日臣條言近
日傳報虜騎動息不一緣諸州緩急多失關報其憐州
差人探劄止是詢訪道路或憑私書展轉傳聞多致悞
事乞令諸州委強幹官一負魚頰其事并差得力吏人
三名為斥堠司輪差廂軍二十人以備傳報其沿海州
軍舊有烽燧去處乞中嚴行下有未遍處更令增置俟
事平日課殿最賞罰其匿不時報者重行黜責詔令兩

浙江南東西路并沿海州軍疾速措置施行 二十日

臣僚上言竊聞近於海上置水斤墩朝廷遣仲元在四
明辦集但海道闊遠可脩處非一萬一有警欲以小舟
犯不測之險連連難期况海濱之民以魚鹽為業老幼
悉在舟中今不論舟之大小皆取之民既失業為變不
難前者定海官吏幾有被害者乞下樞密院或命明州
守臣相度利害具海道要之地可以置斤墩處合用幾
舟其甚小者不須勾集或海面濶遠風濤不測即乞於
岸高山置卓望以備探報其已勾到舟船乞放還逐使
詔令樞密院措置施行 二十六日樞密院言訪聞近
日有妄稱軍前差使或監司等處官屬於經過斤墩鋪

強勒保甲格掣詔令江浙路帥司行下所屬州縣於諸
鋪曉示如有逼勒鋪分保甲格掣之人竅具職位姓名
申樞密院當議重行典憲 九月二十六日樞密院言
近來諸路轉運邊防等文字例各留滯詔令提舉馬通
鋪官嚴行督責巡轄使臣須管依條躬親遍詣所轄鋪
分約束鋪兵遇有文字即時傳送不得違滯州委通判
縣委令佐專一檢捉巡轄使臣到鋪分日月及所遍文
字如弛慢失職所屬州軍具回依奏劾施行及指揮轄
下閔津把隘去處如鋪分及往來投下文字之人辨驗
詣寔放行無致阻節如違其提舉馬通鋪并所委官重
行黜責巡轄使臣當議停降鋪兵決配 十月五日詔

今江浙州軍日具平安狀與探報到事宜一處入斥候鋪飛申樞密院其逐路帥司亦仰依此申發 二十日詔令兩浙提刑施峒日夜起發前去鎮江江陰以來置司專一總領諸州縣所置斥候鋪措置責沿江及北探報應有事宜火急溥報若少失機會必重作行遣以樞密院言金人見在承楚未見所向切慮不測窺伺宜明立斥候故有是命 二十四日建康府路安撫大使兼知池州呂頤浩言本司專屬官一員往來督責沿江所置斥候鋪轉送應干軍期探報文字竊見斥候鋪緣官司將尋常閑慢文字一例轉送致軍期緊急曰此稽滯檢照政和勅節文諸急脚遞不應發者徒二年馬遞

減二等今未用兵之際乞立法應官司非急速軍期及盜賊探報文字輒入斤候鋪者官員勒停吏人決配仍不分首從如不應入斤候鋪文字所至官司承受不即申舉者與同罪及專責縣尉每月通詣斤候鋪點檢其提馬遞鋪官吏有失覺察與擅發斤候鋪官吏同罪及於市曹出勝道路粉壁曉示從之 十一月七日詔諸路可依舊每五里置一鋪每鋪輪差保甲五人貼司一名傳送抄轉送委縣尉巡轄 紹興元年三月十九日兩浙提刑施峒言平江府常熟縣探報通秦金人已回承楚欲乞斤候鋪只留保丁二人同土軍或弓手一名俾送探報文字餘人乞行減放據江陰軍中水陸斤候

共差募保甲裨梢等一百一十四名月支錢九百貫今
蕃寇速遁已行住罷欲將諸處所置斥堠鋪並行住罷
止於管下遞鋪內選差兵士三人專一承轉探報事宜
文字每人日添支錢七十文其傳送時刻約束斷罪並
依斥堠鋪保甲已得指揮仍依舊專委縣尉巡轄沿江
瀕海所置水斥堠已並令住罷專委巡尉差撥兵巡船
探報詔鋪兵每鋪差五人其斥堠差置鋪兵就緒日住
罷餘從之 四月七日和州無為軍鎮撫使趙霖言本
鎮奏報朝廷文字經由太平池宣廣德等郡界次入浙
路州軍或由建康府次入浙東方達行在近入急遞尚
慮稽滯欲乞下太平等州軍照會應本司軍期文字許

入斤猴如有稽遲許霖奏劾從之 五月二十四日詔
江南東路差王琮西路差張漚專一提舉馬遞鋪兵將
轄下見闕鋪遵依建炎元年五月己降指揮先次剗刷
諸色廂軍補填仍選擇少壯健捷之人均撥諸鋪專一
傳送御前金字牌遞角如人數闕少即於懶慢鋪分摘
一挪差使須管每鋪各有少壯專一承傳並仰依法不得
晝直鳴鈴走遞前鋪聞鈴預備人出鋪就道交收不得
時刻住滯其餘缺額如廂軍內補填不足即於一月照
填數額其合用例物錢糧並預行挪融充辦足路須管
按月給散不得減尅其見例塌鋪至限十日一切修蓋
了當州委知通縣委令佐常切檢察遇發到遞鋪並具

前路元承受及發遣日時中提舉官即時驅磨點檢如有住滯仰將當職官并合干人具狀徑申尚書省當職官取旨重行停降合干人次配若蓋庇不申與當職官一等科罪仍嚴切約束巡轄使臣不往往來檢點鋪兵常令在鋪祇候傳送若過往奉使監司等官違法差役並科違制之罪不以去官赦降原減仍許被兵級徑赴所屬司越訴即時條申尚書省其所差提舉官限今未指揮到一月內須管一切措置畢條仍逐旋具補填招刺兵級人數及修蓋遞鋪屋申尚書省若朝廷差官前去點檢得逐路提舉官承受今降處分措置違慢並行竄責十一月十九日都省言已降旨揮止為江南東

西路分亦有轉送軍機急速理宜一體詔餘路並依江
南東西路已得指揮施行併劄下江南東西路提舉官
依已降指揮常切檢察 七月八日樞密院言防秋在
近所有邊江并衝要州軍尤宜嚴謹上連下接文字不
致稽違欲於樞密院選差使臣二十二員分往臨安平
江鎮江建康府廣德南康興國江陰軍太平秀常湖嚴
宣徽池江洪饒信衛婺州管界點檢催促並要足備鋪
兵請受依時給散如遇闕人申催差置如不即施行具
事曰申樞密院詔並依其所差使臣令戶部別給驛券
隨處批請須管往來檢點仍探報賊馬事宜的寔候過
防秋別無稽遲特與推息如或搔擾必罰無赦 九月

二十六日詔令兩浙路安點檢斥候監司遍下州縣今
後並依已降指揮將軍期急速及賊盜探報文字分明
題寫入斥候鋪傳送外其餘常程閑慢文字不得依前
亂行題寫如點檢得尚有違戾並依輒入斥候鋪指揮
斷罪 三十日樞密院言浙西一路皆邊江州軍秋防
是時斥候正當嚴謹不可少夫措置詔本路提點官施
峒權於平江府置局躬親往來催督州縣火急差置務
要作落所傳文字依限傳送不管稽滯 十月七日樞
密院言自鎮江府江陰軍全行在并江東西路沿江州
軍至行在斥候近來轉送文字稍多理宜犒設詔遂州
縣斥候鋪兵每人各特支錢一貫文 二年四月二十

九日臣僚上言信州鉛山建州崇安縣舊因福建綱運
并錢監般發銅貨遂於兩縣置擺鋪兵級十營共一千
人近來福建綱運多由海道魚錢監銅貨闕少其擺鋪
人兵僅成虛設傳聞崇安縣擺鋪人兵建州已刺填闕
額廂軍其鉛山擺鋪兵級亦恐合行刺填乞下本州勘
會如委合減罷或量行存留外其餘并刺行鄰近州軍
秋額廂軍詔令福建江南東路轉運司相度申尚書省
九月八日江南東路安撫大使兼充壽春府滁濠廬和
州無為軍宣撫大使李光言措置防秋淮西州軍與僞
境相接務在明建斥候其淮西與江東隔江連時邊報
雖已擺鋪傳送竊慮緩急風浪不能濟渡却致阻滯本

因遂於淞江相對置立烽火臺舉烟火色號報應及於
緊要津渡差撥人兵防押遇警急即自遠及於所屯兵
馬押捕調發前去同共防拓詔依令李光相度隨地勢
高阜去處立烽火臺若土脉不勘築臺即以木為望樓
無致緩急有失事機嚴切約束不得搖擾和州與太平
州建康府相對置立去處梁山渡口與太平州福山對
朱石渡口與太平州東朱石對當利河口與太平慈湖
對車家渡口與建康府馬家渡對石靖口與建康康大
城埧對無為軍與太平池州相對置立去處泥汊江口
與太平州荻港繁昌對柵江口與太平州蕪湖縣三山
對糝潭口與池州銅陵縣鶴頭山對每日平安即於發

更時舉火一把每夜平安即於次日平明時舉煙一把
緩急盜賊不拘時候日則舉煙夜則舉火各三把為號
十九日詔今後過往命官將校軍兵如敢差役斤挨鋪
兵級曹司依巡轆馬遞鋪使臣私役法一等科罪 三
年五月四日河南府等州鎮撫司幹辦公事雷震言契
勘本鎮七守邊邨日久備戰不注差人探報番賊動息
并東京虛寔若專差官兵齎赴行在投進往復經隔月
欲望後有探報賊馬急速文字用皮筒定封專差人齎
至邨鎮交割轉送近襄州軍入急遞赴行在投進如有
違滯去處已重置典憲從之 六日樞密院言日近不
住有御前金字牌并朝廷急遞發下襄陽等州鎮撫使

副翟宗董光權商鞅陝州鎮撫使董鎮等軍期機速文字所至條限即刻走傳前去合經由下項州軍深慮有無鋪兵去處別致留滯詔令逐處遇有金字牌并朝廷發下應干軍期文字仰即刻走傳如無鋪兵處令所至州軍專差得力人三名走傳前去逐州遞相交割不得稍有住滯仍專委通判驅磨根究依法施行及每月具本州傳送過名件字號開排承受傳送出界日時刻有無違滯申樞密院 十四日入內侍省言臨安府浙江遞鋪兵士王明轉到荆南府歸峽州荆門公安軍鎮撫使解潛應字號奏狀一筒赴本省投進今點檢得上仲通角撮繫鬆慢封頭磨擦破損竊慮出入得文字

兼前項排發應字即非千字又內字踈除已牒本官今
後遇發奏狀遵依已降指揮以十字又踈記發外其迤
角今進納若內有本省行移公文却已降下所有磨擦
損壞封頭去處乞下尚書駕部根究依條施行從之
七月四日江南東路提刑張匯言州縣間奏裁與提刑
司審覆茶等有煙累月而未下者蓋是迤角中沉墜仗
可貸之囚繫禁而死深可憐憫乞下諸路應奏與中詳
覆等並須專差院虞侯或有行止急脚子二名投下被
差人並破口券仍量添食錢使令守待以所斷茶依條
限責付責回日以百里為限大理寺叅詳張匯所中內
命官贓果若令依條入迤前來竊慮沿路計屬轉送之

卷之三十一

人裹私收匿不到及道路千里以上去處申奏并申提
刑司詳覆諸色人獄案若令入逃往還竊慮道路梗澁
況失理合措置今欲依本官所乞應有似此公案並令
本處專差有行止二人同共齎擎投下令所差人守待
回報恐所差人在路事故亦不計囑藏匿仍令本處寫
錄一般案狀依條入遞務要不致沉失所有道路千里
以下通快去處公案依法已許入急遞日行四百里若
刑部承旨斷案依條亦合別錄行下如遞舖稽違況失
緣已有前項條法乞坐條申嚴行下委諸路提舉馬遞
舖及驅磨當職官吏常切約束月具轉送過獄案并朝
廷降下斷勅石件聞報本路提刑司行下所屬州軍復

行點檢如有稽違沉失去處其合干遞鋪兵級并巡轄使臣並令根勘具案開奏乞從朝廷特降指揮重賜斷遣施行詔餘路依此仍檢會應干見行條法申嚴行下

十四日荆湖南路安撫使折彥質言修武郎辟差全永州巡轄馬遞鋪張宗閔申永州三十鋪元額管兵級三百五十六人宗閔到任交割到二百三十四人累行招到三十餘人近來廣西押戰馬綱官到鋪不恭奉聖旨權住鋪兵檐擎指揮亦不容曹級執覆及不問有無人兵在鋪須要差破鋪兵檐擎應付稍緩即撞入房金捉縛婦女或倚勢收拾兵級衣物動使抑令鋪兵供送沿路更用棍棒毆打過三五鋪或他界動經旬日不回

是致飢餓逃亡節次開落截自五月終只管一百八十餘人大路鋪每鋪只管三五人小路鋪或有一二人即日大段闕竊急遞文角到鋪委是闕人走傳本司欲勾追犯人根治竊慮馬綱留滯乞行下廣西經畧司嚴行約束詔令廣西經畧司提舉廣西買馬司詳析彥質所申事理今後遇差押馬使臣當官分明戒約如有違犯之人具目依中樞密院重行劄違仰兵部遍牒廣西主行在馬綱經由逐路轉運司提舉馬遞鋪兵官指揮所屬依此施行仍令所管州縣等處於馬綱所道馬遞鋪前將今降指揮分明粉壁曉示各具知稟聞奏